



## **mis û hier baa maa**

Ik vroage maa af hoe da 't mee û zoe zijn  
Ik kaake al uit noar oame tuupe zijn  
Nuunt gepaasd da zuu nen korten taad zuu zwoar zoe zijn

De momente dadde baa maa woart  
È'k in herinneringen opgespoard  
Souvenirs van schuune taade, w'èmme der al vele vergoard

**Ik mis û hier baa maa**  
**'k paaze moar op 1 deng en 't zaa 't gaa**  
**Ik mis û hier baa maa**  
**Oa 'k iets moste wense, 'k wensteg' û subiet baa maa**

'k bel û op zuuda 'k û huure en zie  
Dat es iets moar 't es toch 't zelfste nie  
Nen echten toes, nen echte knuffel geve, geeft toch mier energie

'k oa û beter veel mier vastgepakt  
Dat oanze maa tons niemier afgepakt  
'k weet' dadde 't zelfste tege maa wil zegge, dadde doar uuk noar snakt

**Ik mis û hier baa maa**  
**'k paaze moar op 1 deng en 't zaa 't gaa**  
**Ik mis û hier baa maa**  
**Oa 'k iets moste wense, 'k wensteg' û subiet baa maa**

**Ik mis û hier baa maa**  
**'k paaze moar op 1 deng en 't zaa 't gaa**  
**Ik mis û hier baa maa**  
**Oa 'k iets moste wense, 'k wensteg' û subiet baa maa**